

# Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

АВГУСТОНЬ

18 чи,

1937 ие

№ 94 (768)

ЛИСИ

7-це ие  
чинь ютазь

„Минек арасель авиационной промышленностенек. Минек сон ули ней“. И. СТАЛИН.

## Шумбрат улест минек масторонть гордой соколтнэ!

### Всенародной праздник

Августонь 18-це чись ашти всенародной праздникекс. Те чистэнь, 1933 иестэнь саезь, минек необъятой родинань весе ошнэсь, эрва заводсо ды фабрикасо, эрва колхозсо ламомиллионной трудия массатне ютавтнить минек славной воздушной флотонть успехтнэнь ды достижениятнэнь ваннома.

Те чистэнь минек масторонь трудиятне аволь ансяк кенярдить Советской воздушной флотонь мощенть ды успехтнэнь эйс, кодат зардоак эщо косоак мирсэнь арасельть, но сын истяжо теить итогт воздушной флотонь строительствань ды кемекстамонь тевсэнь эсист участиятнэнь.

Те чистэнь трудиянь массатне седеяк пек ды парсте невтьсызь советской авиациятнэнь эсь вниманият, ды сень, кода пек сонзэ вечксызь. Невтьсызь эсь бажамост седеяк кемекстамс цветия социализмань масторонть обороноспособностензэ, косо сын эрить счастливой ды зажиточной эрямосо.

Советской авиациянь всенародной праздникень те иестэнь минь карматано праздновамонзо советской народонь массатнэнь политической активностень, творческой пек покш касоманть обстановкосо, сталинской Конституциянь коряс СССР-нь Верховной Советс кочкамотнэнь трудиятнэнь кенярдозь аноктамо шкастонть.

1937 иестэ авиациянь чись ютавтовни международной положенианть пштилгадомань истямо обстановкосо, кодамо зардоак арасель Международной фашизмась, сонзэ сех пек агрессивной элементнэ Берлинсэ, Токиосо. Римсэ азаргадозь анокстыть мировой од войнантень ды практически ушветить война республиканской Испаниянь героической народонть каршо, Китаень ламомиллионной народонть каршо.

Минек масторонь трудиятне содыть, што од войнанть пштизэ, конань (войнанть) анокстыть фашистской аггрессортнэ, аравтозэ непосредственно Советень масторонть каршо. СССР-нь лангс каявомо азаргадозь аноктамосонть фашизмась пурны вийть аволь ансяк капиталистической мастортнэстэ, но сон вешни эстенэ лездыцат минек масторонь территориянь лангсо, икелень капиталистической класстнэнь кадовиксэст ды антисоветской лия мерзостенть ютксто, конат тапаз, но педепев эщо атак машто. Фашизмась эстенэ лездыцат вешни народонь заклитой врагтнэнь ды родинань подлой изменниктнэнь ютксто, кодамокс ульнэсть Тухаческий, Якир, Эйдеман ды лия ядовитой гадтнэ.

Советской Союзось кармась улемо авиационной виев масто-

рокс. Минек самолеттнэ ливтить весемеде верьга, весемеде бойкасто ды весемеде васов.

Минек авиациясь сех покш достиженият тейсь те иестэнь. Северной полюсонть завоеваниянь коряс Советской Союзонь геройтнэнь О. Ю. Шмидтэнь, М. И. Шевелевонь, И. Т. Спиринэнь, ды минек масторонь гордой соколтнэнь Советской Союзонь геройтнэнь — летчиктнэнь Молоковонь, Водопьяновонь, Алексеевонь, Мазируконь, Головинэнь, Бабушкинэнь ды лиятнэнь героической экспедициясонть тевс ютавтозь человечестванть ламо пингетнэнь арсевкстнэ.

Советэнь Союзонь геройтне Чкалов, Байдуков ды Беляков ялгатне, ды седе мейле Громов, Юмашев ды Данилин ялгатне „АНТ-25“ самолетсо тейсть беспосадочной ливтямот Москов—Северной полюс—Северной Америка, сын тейсть кавто материктнэнь Северной полюсонть трокс скулмавома, кошкканть ливтясть 10.000 километрадо ламо.

Авиациянь истят успехт могут улемс ансяк минек масторсо, секс што воздушной флотонть строямонь ды кемекстамонь тевсэнь примасть участия минек масторонь весе трудиятне, ине вожденть Сталин ялганть непосредственной ды эрвачинь руководстванзо коряс Ленинской комсомолось—РККА-нь военно-воздушной вийтнэнь шефесь—те покш работа воздушной флотонть летной ды технической школатнэнь комплектованиянь тевсэнь, школатнес кучи эсинзэ сех вадра комсомолетнэнь.

Партийной ды комсомольской организациятнэнь, профсоюзтнэнь ды советской весе общественностенть важнойтнэнь эйстэ вейке задачкас ашти трудиянь келей массатнэнь авиационной культурань овладениянь тевентень привлечениесь.

Эряви келейстэ приобщить авиационной культуранть школьной возрастонь минек од ломантнэнь. Школань учительтне, пионервожатойтне, клубонь ветицятне, аэроклубонь роботниктнэ, весе должны улемс авиационной движениянь организаторокс.

Советской авиациянь изнявкстнэнь итогтнэнь, аэроклубтнэсь ды ОСО-нь организациятнесэ роботанть итогтнэнь теямстэ минь должны ванномс минек масторонь обороноспособностенть ды сонзэ воздушной вийтнэнь кемекстамонь коряс роботанть.

Нетэ задачатнэнь шкасто топавтомаст седеяк пек кемекстасынзе минек воздушной вийтнэнь, максы тыщат од летчикт, минек воздушной флотонть тейсы аизнявица крепостекс, минек социалистической фабрикактнэнь ды заводтнэнь, минек колхозной паксятнэнь кемеванстыцякс.



СНИМКАСОНТЬ: парашутисткатне-орденоносцианэ (кери эндо вить енов) Яковлева, Камнева, Федорова ды Санченко ялгатне.

### МОСКОВ—СЕВЕРНОЙ АМЕРИКА ЛИВТЯМОТНЭНЬ ОРГАНИЗОВАМО КОРЯС ПРАВИТЕЛЬСТВЕННОЙ КОМИССИЯНТЬ ПЕЛЬДЕ

Москов—Северной Америка ливтямотнэнь организовамо коряс правительственной комиссиясь пачти куля, што августонь 15-це чинь перть, тщательной наблюденианть лангс атак вант, эзь саво скулмавомс „Н-209“ самолетонь радиостанциянь марто. СССР-нь ды Аляскань башка станциятне шкакш-шкань аволь чаркодевиксстэ марясть самолетонь волнасонть роботанть, но арасть кемемат, што роботась самай сонзэ рациясь. Лезксэнь максомань коряс роботатне, конатнеде пачтязельть

кулят, молить. „Красин“ ледоколось сась Шмидтэнь мысэнтень, косо теи самолеттнэнь погрузкань туртов помост. Полюссто Москов сазь „Н-170“, „Н-171“ ды „Н-172“ самолеттнэ пачтезь авиационной заводов, косо сеск жо ушодозь самолеттнэнь туртов проверкас ды ливтямонтень сынст аноктамось. Заводонь робочейтне кундасть те роботанть пек покш энтузиазма марто, но яла теке ниле мотор марто самолеттнэнь аноктамонтень сави ютавтомс знярря чить.

\*\*\*

Августонь 16-це чинь перть полярной весе радиостанциятне ды ламо лият атак лотксе яла кунцолость Леваневский ялганть самолетонзо волнасонть.

Ды те чистэньтак мезеяк достовойной арась примазь, но ульнэсть зярря од случайть, зардо ачаркодевиксстэ марявил станциянь роботазо весе волнатнесэ. Можна арсемс, што самолетонть рациясь роботы, но колавозь ды секс беряньстэ маряви.

Наблюдениятне нейгак молить. „Красин“ ледоколось Шмидтэнь мысэнь маласо пештясь горячей ды сави вейке мотор марто шождыне 3 самолетт. Августонь 17-це

чистэнь валске марто пештямось прыдовсь „Красинэсь“ лисць Аляскань берегтнэс, тосто туй северэв.

Полярной летчикесь Задков кавто мотор марто „Н-2“ гидросамолетсонть августонь 16-це чистэнь Охотскойстэ Пенжинанть трокс ливтась Марковов (Анадырь леенть лавгсо), августонь 17-це чистэнь тосто тусь Уэлленэв.

„АНТ-6“ 3 самолеттнэс Московсо теить горячеень туртов дополнительной бакт, конат васов ливтямонтень ламолгавтыть 3.500 километр.

ТАСС.

### ТБИЛИСИСЭ ПОЛЬСКОЙ ГЕНЕРАЛЬНОЙ КОНСУЛЬСТАНТЬ ДЫ ХАРЬКОВСО ПОЛЬСКОЙ КОНСУЛЬСТАНТЬ ПЕКСТАМОСТ

ССОР-нь правитестванть ды Польской республиканть ютксо ульнэсть дипломатической кортнемат консульской сетге вопросонть коряс. тень кувалт Нольской республикань правительствась примась решения Тбилисисэ генеральной консулстванть ды Харьковсо консулстванть те иень декабрия 1-це чистэ пекстамодо.

ТАСС.



# АНСЯК МИНЕК МАСТОРСО ТЕВС ЮТАВТОВИТЬ АРСЕМАТНЕ

## Икелев, стальной нармунь!

Арсемась—стямс летчикекс, сась прятмозон сестэ, зярдо эщо тонавтнелин начальной школасо. Рузаевкань станциясто сеедстэ неелин летчикт ды станциянтэ велькска ливтница самолетт. Мон сынст вастылинь ды провожилинь семс, зярдо ематыльть сельмень икельде.

Сестэ уш монь икелев стясь истямо вопрос: „мейстэ кармамс ды мезес кундамс, штобу улемс верьгакс стальной нармунень ветиякс?“ Вана 1932-це иестэ Рузаевкань планерной школасо организовасть авиомоделистэнь кружок. Тозонь сермадстыя прятмонгак. Карминь тейнеме модельть, эйсэст нолдтнень ливтеме. Но те аламо. Монь икелев стясь се вопроссь, кода бу озамс се стальной нармунень ды ливтамс пельтне эшкка, коштонть пакк ды верьга. Те арсемась потсон кирвайсь седеяк пек сестэ, зярдо ливтась Рузаевка велькска овси алкинесть самолетос. Сон валокшнось а васолов Рузаевка малас, но тов минек эзть нолда.

Карминь тонавтнеме ФЗУ-со. Тесэяк эсь арсеам а кадылия ды 1934-це иестэ карминь тонавтнеме Рузаевкань планерной школасо. Но прятдомс эзь савсонзэ ликвидировизь. Секснэ 1935-це иестэ мон маринь Рузаевкасо аэроклубсо планерной группас набордонть. Макснень заявления.

1936-це иестэ минь тонавтнине планерсэ. Сонзэ мон содылия ды вечкилия. 1936 иестэ минек марто кармасть ветямо занятиятнень пилотской программанть кувалт. Покш мельс-паросо кундын мон тонавтнеме.

Май ковсто ушодовсть ливтнематне. А евтавикс мельс-паросо карминь мон те предметэнь то-

навтнеме ды учомо се чинть, зярдо озан стальной нармунень ды туян ливтамо коштонть.

Те чись учовсь. Сон ульнесь июнень 17-це чистэ 1937 иестэ.

Эрямосон арасель истямо покш мелень касомань марьякс, кодамокс мария эсь ежом се чистэнь мон. Вана менсь самолетось мода-стонть ды кармасть куземе верев. Вана инструкторонть кабинато неяви ансяк песок марто мешок.

Ськамон самолетсонть. Появась покш ответственность, вниманьясь ды кемемась. Ледсь мелезэнь се арсемась, кона ушодовсь эщо эйкакш шкастон ды эсь потмован мерезевинь: „Прок, мерят, исяк мода лангсто верев ванозь вастнень ды сельмстэ емамс провожилинь самолеттнень. Ней жо монсь тесан. Икелев эно, стальной нармунь. Икелев!“

Но те ансяк монь арсеаманть пельксэзэ. Штобу улемс пилотокс ды летчикекс, штобу овладеть те весе искусствасонть, эряви тонавтнеме ды тонавтнеме.

Те а эряви стувтомс эрватанть, кона арси улемс пилотокс, летчикекс.

\*\*\*

Тень евтнзе Надеев ялгась. Надеев ялгась 1932-це иестэ комсомолсо. Сон—Рузаевкань. Роботы Рузаевкань депосо. Ноября ковсто 1935-це иестэ саезь 1936 иень ноябры ковс тонавтнесь планерсэ. Мейле кармасть тонавтнеме летной тевсэ—пилотокс. Ней тонавтни Саранскоень аэроклубсо, лагерсэ. Надеев, кода тонавтнемань, истя жо ливтнемань тевтнесэ, отличник. Аэроплансо ськамонзэ ливтамот тейсь—37, инструкторонть марто—56.

Ф. Гурьянов.

## Косто лиссь арсемась

Черапкин П. Е. Верхисье велень, Инсаронь райононь. Вана мезть евтнй васень ливтнема-донзо:

„1932-це иенть самс ловнын ламо кой-кодамо литература аэро-пландо. Но аэроплан эщо эзинь нейкшне, а содылия, кодамо сон. Помнян вейке шкане (те ульнесь 4 иеде теде икеле) Инсаронь районс валгсь самолет.“

Покш мельсэ чинь ваномонзо, но эзимезь нолда. Тесэ вана седеяк пек кассь арсеам, штобу улемс летчикекс ды теэмс истя, штобу нолдавlimeзь аволь ансяк ваномонзо, но эйсэнь ливтнемак.

Карминь мон кевкстнеме, кода бу улемс летчикекс. Ки соды зяроксть якинь врачнень шумбра-чим кувалт ды лият.

Синь тонавтнеме Мокшэрзянь пединститутс. Сеске махсынсь ВЛКСМ-нь комитетс заявления, штобу монь кучовлимизь тонавтнеме аэроклубов. Комитетэсь эзь отказа.

Улемс летчикекс—те кияванть туинь кеместэ. Сась чись, зярдо карминь ливтнеме инструкторонть марто. Прок мерят нурьсят лавсьсэ ды модась певтеме арды алов варштамсто.

Сась кувать учозь чись—ськамон самолетос ливтамось. Те ульнесь июлень 3-це чистэ 1937-це иестэ, кона а стувтови зярдояк.

Кода стартодонть мейле кузинь верев ды варштын, што мон ськамон, кода-бути эзь кеметь-как. Саимем покш мельс-паро ды ледсь мелезэнь се арсемась, кона дрызон совась 4 иеде икеле, зярдо эзимезь нолда самолетонть малав.

Самолетось аламодо лыказевсь. Сеске мельзэнь ледсь, што мон ськамон, ды карминь кеместэ кир-

деме эсь прятм. Весе ютась парсте. Самолетонть валстыя приказаниянь коряс.



Саранскоень аэроклубонь ученик—летчикесь Черапкин ялгась.

Чийсь пейдезь инструкторось, кеместэ сюродызе кедем ды мерсь: „Отлично, молодец“.

\*\*\*

Истя прядызе эсь евтнеманзо Черапкин ялгась. Черапкин—сокицянь цера, мокшо, 1931-це иестэ комсомолсо, тонавтни отлична ды парсте.

Кевкстнемань каршо, мезекс арси улемс икелев, евтась пюркинесть: „Паро летчикекс, эсинек родинань ванстыцякс“. Потапов.

Аэроклубонь лагерь.

### Минек авиациянь ломантне

## С. А. Леваневский

(Автобиографиястонзо)

Мон шачинь 1902 иень маень 15-це чистэ Петербургсо (ней Ленинград). Монь тетям ульнесь кузнецкс, теке жо шкане роботась дворникекс. Зярдо сон кулось, монень ульнесь 8 иеть. Штобу трымс ниле эйкакштнень, авам чопода вень самс стиль оршамо-пельть. Монь эйкакшокс шкам—стамо машинань шалт, раужо кши, модамарть.

1916 иестэнь, уездной училищань 3-це классонть прядомадо мейле, мон школанть кадыя ды молинь черноробочеекс „Рессора“ акционерной обществанть заводс. Революциянь шкастонть совинь Якстере гвардияс. Сестэ тень ульнесь 15 иеть... Нама, беряньстэ, пек эщо беряньстэ чаркодилинь политической грамотасонть. Аволь истя превсэ, кода седейсэ чаркодилинь, што большевиктнэ учить паро. Секскак ульнинь мартост.

1918 иенть ушодовомсто мон вейсэ рабочеень группа марто туинь Вятской губернянь „сюрор таркатнес“. Тосо мон, примерно, 1919 иенть самс роботынь весовчикекс сыпной пунктсо, кона мейле тевельс продотрядокс. Се иень тунда положенийсь кармасть улемс сех пек стака. Колчак бойкасто эщиль Сибиренть трокс. Кулактнень восстания. Якстереармейской частнень потыльть. Ды вана ашотне ульнесь

уш 90 вайгельбень туро минек веленть эйстэ, косошь продотрядось. Сестэ мон решия, што монь таркам аволь тесэ, но фронтсо. Ульнинь восточной фронтсонть, западной ды кавказской фронтнэсэ, истя жо Дагестансо.

1925 иестэнь прядын летчикень школа. Школанть прядомадо мейле получинь назначения авиационной отрядс. Ульнинь тосо мон младшей, мейле старшей летчикекс. Мейле кучимизь инструкторокс се школанть, косо тонавтнень мон монсь...

1933 иестэнь мон Северной морской путень Главной управлениянть энялдын кучомс монь роботамо северэв. Умок уш мон тов бажинь. Энялдомам топагизель...

Се шкастонть, примерно, Маттери ливтиль светэнь перька ды Анадыренть маласо тензэ теевсь авария. Монень мерезель максомс лезкс Маттернэнь. Сонзэ ванстомань кувалт тевесь, кона сюлмаво-зель пек покш стакатнень марто, ютавтозель парсте. Мон Маттернэнь пачтия Анадырстэ американской материкс—Номов (Аляска).

1933 иень августонь 17-це чистэнь СССР-нь правительствась мон казимим „Красной звездань“ орденсэ „летной пек вадря качества“ кыс ды зяря ливтамотнэсэ участиянь кыс“.

1934 иень февралень 13-це чистэнь маринь „Челюскинэнь“ емамо, сеске жо Московов кучинь телеграмма, што анокан ливтамс челюскинецтнэнь лездамо. Омбоце чистэнь получинь кавто телеграммат-молния.

Молинь Московов, монень мерсть, што ванды эряви ливтамс границань томбалев истямо-истямо тевень коряс... Правительствась решизе: Ушаковонь, Слепневонь ды монь кучомс Америкав, штобу Алясканть эндо седе курук понгомс северэв.

Нью-Йорксо минь ульнинек 10 чить. Мейле туинек Фербенксэв. Тосо приминек пассажирской типень кавто самолетт, эрвантень кельгильть 9 пассажирт. Машинатнень снартомадо мейле ливтинек Уэлленэв. Чукотканть районсо ливтинек сокорсто. Курук кармасть не-явомо Онман мысэсь. Самолетонть копачизь пельть ды кабинетсэнь кармасть улемс чопода, прок веть. Суликатне ды винтеляциянь кыс отверствияне кармасть вельтывомо эйсэ. Машинась сталгадсь. Ветямс кармасть улемс стака...

Омбоце чистэнь минь кискасо туинек Ванкаремев. Ушаков кармасть мобилизовамо весе средстватнень сень кыс, штобу ванстомс челюскинецтнэнь. Те шкантень састь минек весе самолеттнэ. Шкась ульнесь пек маней ды чить 4 часос весе челюскинецтнэнь саинек эй лангсто. Челюскинецтнэнь ванстоманть кыс СССР-нь правительствась 1934 иень апрелень 20-це чистэ казимим Ленинэнь ор-

денсэ ды максць тень Советской Союзонь героень дем.

Московсто самсто, ки лангсо, мон молинь „штабов“ Семенов ялганть, макснень заявления Ленинэнь—Сталинэнь ине партиянтень совамо. ВКП(б)-с совамодо монь мельга максць заявления Ляпидевский ды лия ялгатне. 1934 иень сентябры ковстонть ВКП(б)-нь ЦК нть решениянзо коряс ульнинь примазь коммунистической партиянь членкс.

1935 иень май ковсто мон туинь Лондонов, косо ванкшныя английской авиационной техниканть. 1936 иестэнь ульнинь Америкасо... Август ковсто мон тосто туинь СССР-в Лос-Анжелос—Ледовитой океан—Москов трасса-ванть, весемезэ ютазь 19 тышат километрат. Кинть сех покш пельсэнь минь ливтинек беряньстэ тонавтнезь, кой-кува жо овси алак содань таркава, ливтамонь кыс пек стака таркава.

Северной воздушной трассанть освоениясо од успехтнэнь кыс правительствась мочь казимим Трудовой Красной знамянь орденсэ.

1936 иень декабры ковсто мон таго туинь Америкав, косо ульнинь нилешка ковт ды парсте карминь содамонзо американской авио-промышленностень ды ульнинь самолетонь строямонь ды авиомоторонь строямонь зяря предпри-ятиясо.



## Монь мельс паром

— Эшо школасо тонавнемстэ шачь монь арсеам, кода бу улемс пилотокс. Бути неилинь костояк летчик эли ливтиця самолет, то весе мелень туильть сынст енов.

Максын мон пилотонь курстнэс заявления. Аламонь шкань ютазь маринь, што монь примимизь пилотонь неть курстнэнен. Кода те кулясь пачкодсь тень, ульнинь а етвавикс покш мельс-парсо ды ежом мария, што те арсеамань то павтоманть кис улить монь покш возможностень.

Истя мон чалгинь арсеамань васень кинть лангс ды 1936 це нестэ карминь топавтемензэ.

Летчикекс тонавнемась—те пек сложной ды стака тев. Шгобу улемс летчикекс, эрви настойчивость, самоуверенность, твердость эсь мелеть ды виеть кувалт.

Советской Союзонь ламо од ломанть ливтнить стальной нармуньсэ ды седеяк ламо арсить—ливтнеме нейгак. Сталинской племянь те од ломантне пек уцяс кавт. Советской Союзонь неть од ломантне эрять, касать ды стить эсь масторост туртов преданкой черакс се шкане, зярдэ эрва чистэ, чассто ды минутсто мировой весе рекортнэнь тейнетяно минь.

Аэроклубсо тонавнемстэ касць интересэм авиациянь тевенть кувалт. Мон путан весе вием, што бу овладеть сложной те искусствасонть летной тевсэнь ды улемс пилотокс. Тень кувалт эривить покшт теоретической знания. Секс мон тонавнеманть аравтан васень таркас ды тонавтия аняськ отлична ды парсте. Мон покш мельс паросан, што эряи истямо весела ды уцяскав шкасто. Евтан покш благодарность партиянтень, правительствантень ды ине Сталинэнь секс, што сын тейсть истямо уцяскав миненек эрямо, секс, што сын монень лездасть стямс арсеам топавтомо кинть лангс.

Истя еври эсинзэ кувалт Сокольников ялгась, кона тонавтия Саранскоень аэроклубсо. Производствасо роботамо атак лотске, Сокольников ялгась тонавтия отличнасто. Аэроплансо ськамонзо ливтнеманзо весемеэ 30, инструкторонть марто—50.



„Н-209“ самолетонь конструкторсь 1-це рангонь военинженерсь В. Ф. БОЛШОВИТИНОВ ялгась.

## Осоавиахимень кружокось а роботы


Дубенкань район. Кенде велень од ломантне бажить тонавнемс военной тевентень, содамс винтовканть, противогазонть ды максомс нормат „Ворошиловской стрелок“, „ПВХО“, „ГТО“ ды лия значоктинь лангс.

Велесэнь ули осоавиахимень организация, косо руководителесь Русский, сон кодамоак робота а вети. Райононь осоавиахимень организациясь мезеньгак лезкс а максни. П. Р.

## Аватнень вешемаст

Чамзинкань р-н. Кшуманця велесэ арась теезь шачтомань кудо, секс ламо ават якить велень бабушкатненень, конат наргить неурядной эсь тевсэст аватне лангс. Кшуманця велень аватне вешить, штобу велень советсь строяволь шачтомань кудо.

В. Юный.



Саранскоень аэроклубонь инструкторской группась аноксты самолетсто парашютсо кирявтомантень. Тень кувалт сын кирявтиянь васня парашютной вышнэсто.

СНИМКАСОНТЬ: инструкторсь К. Д. Лукин ялгась толкови Г. Д. Палитов ялганть, кода эрви кирявтоме вышканть прясто.

Фотось ВЕРЕТЕННИКОВОНЬ.

ЭМИЛЬ ПЯТАН

## МОНЬ МАСТОРСО

А кевери чиза  
Куземс виртнень велькс,  
Стакшномс толонь викшневикс  
Сэнь чахра менельс;  
А кевери везэ  
Панжомс сиянь сельть,—  
Мирганть уш маряви  
Од кулятнень зэртъ.  
Таго ине славань  
А пужикс каштазт  
Вельтить монь масторонть,  
Таго геройть касцъ.  
Сынест зяршка честесь!  
Кэвардовь вастить...  
Мастор шаронть кошкекс  
Мошка сакал Шмидт,  
Миша Водопьянов  
Валгсть полюсовть лангс,  
Сех пелеве енов  
Стявсть якстере флаг.  
Природанть ды Арктиканть,  
Нама, изнизь.  
Панжсь келейстэ кенкш  
Од изнявксос сынст кись.  
Папанин-месть тоско  
Эрять. Кудост—эить.  
Эсь родинанть лезэс  
Топавтыть сын тевть.  
Козонь иля варшта  
(Монь мастором покш)  
Теить ломанть сень,  
Мезесь евкстнэнен евкс..  
Томка Равонь ведесь—  
Сельведтеяк ванькс.  
Келейстэ чудеке  
Нолдыз Кремлянь вакс.  
Рав лангсто Московов  
Укшныть пароходъ.  
Московось ней—колмо  
Иневедень портъ.  
Тосто весе мирганть  
Ютак, уить куш ков.  
Ильтяизат ды мекев  
Ваставзат Москов.  
Тосто жо, Московсто,  
Пельтнеде верьга  
Уи бойка нармунь  
Масторонть перька.  
Те—Чкалов, оязо,  
Кепетецть геройкс,  
Панжеть вальма Америкав  
Полюсовть трокс.  
Сын коштонь даволтнэнь,  
Сув пачк, атак ней,  
Зярдэ самолетонть  
Копачиль мик эй,—  
Ливгильть атак лотксе  
Васов, атак пель,  
Ведь сын богатырь,  
Эйсэст изнямонь мель..  
Пачкодсь сын Портландов,  
Лия материкс.  
Коштканть таргавсь, суре прок,  
Видестэ кикс..  
Мирэнь вельксэ  
Васень нармунень зэртесь  
Эзь прыдов, эзь кеверь  
Оймамс менелесь,—  
Таго Москов маласто  
Келей седмот  
Орелокс кепецтясть  
Виев самолет.  
Таго полюсовтень..  
Вастневить пель-пандт,  
Стака кись... Тень лангс  
Минек Громов эзь вант.  
А сорныть кедензэ,  
Сельмензэ валдот.  
Пропеллертнэ керить  
Кельме, кежей кошт.  
Ютни самолетосъ.  
Ламо вайгельпеть,  
Ковгак атак лотксе  
(Вастневест куш месть)—  
Капши Калифорния,  
Тозонь валгозъ  
Невтемс: (ША в кись  
Московсто панжозъ..  
Истя эрва чись юты  
Бойкасто, налткс,  
Басты сон од геройть,  
Канды од изнявкт.  
Ды слава геройтенень  
Мирэнь келес,  
Сынст цецат копачить,  
Сыть шнамот сынст демс.  
Уцяскав масторсон  
Весела эраме,

Роботамс, кеярдомс,  
Оймсемс ды морамс.  
Кияк, иля пель,  
А эци минек ошс,  
Тол марто а ютави  
Врагось колхоас.  
Кияк сюпав чинек,  
Виренек, моданть  
А нельгсызь кедьстэнек..  
Ведь эрвата шканть  
Ванстыть граничанок  
Кемевикс эйдеть.  
Кадьк минек лангс  
Венстнить вериязь кедть  
Куш коната евдо,  
Сын керявить пштит.  
Минек часовоитне  
Эсь родинанть кис  
Анокт максомс пингест,  
Путомс эсист праст,  
Сынст тарказост саводть  
Вратост ды ояст.  
Киненьгак а сямс  
Минек мода пангс.  
Тапазь ули эрвасъ,  
Ки сти минек лангс,  
Тапазь ули тосо,  
Ко ендэ сыргасъ.  
Пекстазь граничанок,  
Кеме панжомасъ.  
Эратано мирно—  
Авоктаво бойс!  
Уцяскань ванстомсто  
Зярот касить геройкс!..  
Чи лисема ено—  
Тапазь самурайть.  
Чи валгома ено—  
Аваргадонь рать.  
Среднеазиатской  
Граничанть вестъ чить  
Езмолдовъ ютыксылить  
Подлой бандитъ.  
Шакалтнэнь вастынэ  
Ве боец—Трунов,  
Эзь тандат, эзь оргеть,  
Эзь ловташкат ковокс.  
Эсь родинанть ванстовъ  
А жалель эсь прясъ.  
Эцесь весень каршо,  
Сон турсь ды изнясь!..  
Заводсо, паксясо,  
Менель сэръ ошсо,  
Цитни тештнэнь видсь,  
Сех вере—коштсо,  
Косо бу аволь уль  
Народонь перасъ,  
Козонь бу аволизъ  
Кучт родинась, шкась,—  
Азды меньгак стакаст,  
А нолды сон кедть,  
Куш косо цидарды  
Читькак эли ветъ,—  
Тензэ кемезь тевентъ  
Пачтсь педэ-пес..  
А стяко ламонь  
Мавылгавтозь мештест  
Сех покш кавнетнесъ.  
Ды весе сынест  
Масторосъ кеми  
Ды короли эйсэст.  
Содыть монь масторонь  
Ломантне, мейсь сын  
Покш подвиге молитъ  
Ды изницякс лисить.  
Содыть: сынест Сталин  
Максы васень лезкс,  
Сынст кись мелявты,  
Жали эсь эйдекс,  
Эжди сынст седеест,  
Кепеди мелест,  
Максы кеме-чи  
Ды изнямонь вий тест.  
Содыть: бути Сталин  
Мезе уш мери,  
Сестэ се тееви,  
Сестэ—те ули..  
Секскак чись эзь кеверь  
Куземс виртнень велькс,  
Стакшномс мазый викшневикс  
Маней, ванькс менельс;  
Эзь кевере везэ  
Панжомс сиянь сельть,—  
Мирганть уш маряви  
Од кулятнень зэртъ.  
Таго ине славань  
А пужикс каштазт  
Вельтить монь масторонть,  
Таго геройть касцъ.



## ХРОНИКА

СССР-нь Центральной Исполнительной Комитетэнь президиумось СССР-нь Совнаркомонь председателень заместителензэ В. Я. Чубарь ялганть кемекстызе СССР-нь Финанстнэнь Народной Комиссарокс.

\*\*\*

СССР-нь Центральной Исполнительной Комитетэнь президиумось Г. Ф. Гринько ялганть менстизе СССР-нь Финанстнэнь Народной Комиссаронь обязанностьнестэ, сень кувалт, што сон моли лия роботас.

\*\*\*

СССР-нь Центральной Исполнительной Комитетэнь президиумось А. П. Гричманов ялганть кемекстызе СССР-нь Финанстнэнь Народной Комиссаронь васень заместителекс.

\*\*\*

СССР-нь Центральной Исполнительной Комитетэнь президиумось М. Д. Берман ялганть кемекстызе СССР-нь Связень Народной Комиссарокс, сень кувалт сонзэ менстизе СССР-нь Внутренней Тевтнэнь Народной Комиссаронь заместителень обязанностьнестэ. СССР-нь Внутренней Тевтнэнь Народной Комиссаронь заместителекс кемекстазэ М. И. Рыжов ялгася.

\*\*\*

СССР-нь Центральной Исполнительной Комитетэнь президиумось С. З. Ингберман ялганть кемекстызе Стака Промышленностьнэнь Народной Комиссаронь заместителекс.

\*\*\*

СССР-нь Центральной Исполнительной Комитетэнь президиумось И. А. Халепский ялганть менстизе СССР-нь Связень Народной Комиссаронь обязанностьнестэ, сень кувалт, што сон моли лия роботас.

## Испаниясо фронттизва

Испаниясо мадридской, арагонской ды южной фронтнэсэ августонь 15-це чистэнь мольсь ружиясо ды артиллерийской леднема.

Мятежиктнэ, сынесть покш подкреплениянь самодо мейле, августонь 14-це чистэнь ушодсть наступления северной фронтонть эрва кодат участкатнесэ. Мятежиктнэнь эцемантень лездить авиациясь ды танкатне.

Августонь 15-це чистэ правительственной эскадрильятне бомбардировизь мятежиктнэнь войскактнэнь пурнавома таркатнэнь Хадракинть эйстэ запад ено (мадридской фронт). Правительственной самолеттнэ атаконизь мятежиктнэнь „Канариас“ крейсерэнь, кона ульнесь Аликантень районсонть. Мятежиктнэнь крейсерэсь капшазь оргодсь.

Августонь 15-це чистэнь республиканской зенитной артиллериясь правтсь фашистской кавто самолетт. Летчиктнэ-итальянецтнэ саезь пленс.

Августонь 16-це чиденть икеле вестэнь мятежиктнэнь самолеттнэ бомбардировизь Валенсиянь.

(ТАСС)



СНИМКАСОНТЬ: Республиканской войскактнэнь Сиерра-Гвадаррама пандонть вакссо передовой позицияст. Фотось Р. Карменэнь (Союзфото).

## Китайсэ военной действиятне

Августонь 16-це чиденть икеле венть перть Шанхайсэ мольсь артиллерийской леднема. Августонь 16-це чистэнь валске марто китайской покш вийь атаконизь японской позициятнэнь Хонкьюньтэ ды Од парконть районсо. Китаецтнэ виевстэ эцесэ японецтнэнь лангс, японецтнэнь ламонь таркава савсь потамс. Китайской войскактне занизь японской морской клубонть. Штобу китаецтнэнь а нолдамс икеле пелев эцеме, японской военной кораблятнэстэ, конат аштить Шанхаенть маласо, ульнесь валстоэ од десант, конася сеске жо кучозель бойс Хонкьюньтэ районс.

Шанхайсэ военной действиятнэнь шкастонть японецтнэнь ютксто маштозь малав омбоце пельтыща ломанть. Маштозтнэнь рунгост японецтнэ эртнеть иневедсь.

Китайской правительствася Шанхаев пурны од вийть. Ошонть сась китайской войскактнэнь эщо вейке дивизия. Сисем лии дивизият аштить Шанхай—Нанкинской чугункань кинь линиянь лангсо ды вете дивизият аштить Шанхай—Ханчжоуской чугункань кинь линиянь лангсо. Неть дивизиятне анокт васень тердеманть коряс молемс Шанхаев.

Японецтнэ наив ветить Китаенть каршо война. Японской газетатне сермадыть, што японской правительствася мерсь Китайсэ эсинзэ посольстванть туемс Нанкинстэ. Японской газетатне тешкстыть, што Нанкинстэ японской посольстванть эвакуациясь корты Китаенть каршо наив войнаны ветьмодо, сень лангс апак вано, карми ли улеме сон являвтозь официально эли а карми.

Августонь 16-це чистэнь валске марто японской воздушной эскадра (14 самолетт) тейсть налет Нанчан ошонть лангс (Цзянси провинциянь столица). Сеске жо ушодовсь воздушной бой. Китайской самолеттнэ панизь японской самолеттнэнь. Дополнительной сведениятне кортыть седе, што Ханчжоунть (Чжецзян провинциянь главной ошонть) маласо воздушной бойсэнь японецтнэнь ендю ульнесь 22 самолетт. Китайской воздушной эскадрильясь правтсь японской 10 самолетт ды кавто самолетт ульнесь колазь. Воздушной бойденть мейле ливтамсто японской воздушной эскадрильясь Хайнинчжоунть велькес

ертсь газовой бомбат. Ошонть ламо жертват.

Японской войскактне ламоксть снартнестэ саемс Нанькоу горной проходонть (Бейпинэнь эйстэ северо-восток ено), весе сын ульнест лезэвтемекс. Горной проходонть кис бойтнесэ японецтнэнь ютксто маштозь 1 тыщадо ламо ломанть.

Китайской весе газетатне сермадыть японецтнэнь зверствадот ды сынст захватнической плантнэде ды народонть тердить национальной эсь независимостень кис бороцямо. „Дагунбао“ газетася сермады: „Захватчиктнэ снартнеть тапамс Шанхаенть. Сын снартнеть саемс весе Китаенть. Шанхайсэ событиятнэнь пек важной ролест эсь независимостень кис Китаенть общей бороцямосонзо. Миненек эряви изиямс“.

Газетася сермады, што Шанхаенть общественной эрва кодат организацият Чан Кай-Шинень макстыть предложения панемс Шанхайстэ японецтнэнь ды ушодомс общей наступления японской войскактнэнь каршо.

„Миньбао“ газетася сермады, што врагонть сопротивлениянь максоманть лездеманть коряс ассоциациясь Нанкинской правительстванть энялдь нолдамс национальной спасениянь заем анти японской компаниянь финансированиянь туртов. Заемонть арсить нолдамс истя, штобу ютавомс сермадстома народонть ютксо.

ТАСС.

## Республиканской Испаниянь культурной эрямозо

Валенсиясо панжозь „Культурань кудо“. Сонзэ панжомсто кортась республиканской Испаниянь просвещениянь министрсь Эрнандес. Сон мерсь: „се шкане, зардо фашистнэ Бильбаосо ды Саламанкесэ пултнеть книгатнэнь ды интеллигенциянь каршо являвтить война, минь покш мельс паросо тейдяно культурань те очагонть, кона панжозь весень туртов, кие чаркоди ды поддерживает испанской народонть пек паро починэнэ.“

Республиканской Испаниясо ней пек келейстэ моли сермас а садыцетнень тонавомася. Панжозь ламо школат.

## СССР-нь оборонанть кемекстамонь заемось

СССР-нь оборонанть кемекстамонь заемонть лангс сермадстомась Московонь трудиятнэнь ютксо ашти прядовома лангсо. Августонь 15-це чис давнойтнэнь коряс Московсо заемонть сермадстомась пачкодсь 440 миллион 760 тыщат целковойс. Весемезэ сермадсты 1.819 тыщат трудият. Московсо ней заемонть лангс сермадстоэ ютась иенть коряс 23 миллион целковойде седе лгмос.

Туркменской ССР-нь колхозниктнэ-хлопководтнэ пек покш мельсэ сермадстыть СССР-нь оборонанть кемекстамонь заемонть лангс. Кахтинской райононь хлопководтнэ государстванть заем максты 833 тыщат целковойть— ютась иенть коряс 260 тыщат целковойде седе ламо. Ташауэсской хлопководческой округсонть заемонть сермадстоэ 3.805 тыщат целковойть. Ютась иенть коряс 382 тыщат целковойде седе ламо. Сермадстомань питнень колмоцекс пельксэдензэ седе ламонть колхозниктнэ пандызь наличнойсэ.

СССР-нь оборонанть кемекстамонь заемонть лангс покш активность марто колхозниктнэ сермадстыть Таджикистанонь весе районтнэсэ. Ленинабадской районсонть сермадстомась пачкодсь 2.991 тыщат целковойс, ютась иенть коряс 1 миллион 150 тыщат целковойде седе ламос. Гиссерской райононь хлопководтнэ ССР-нь Союзонь оборонанть кемекстамонь заемонть лангс сермадсты 503 тыщат целковой лангс, ютась иенть коряс 91 тыщат целковойде седе ламос.

(ТАСС).

## Од заемонть сермадстомась

Чамзинкань район. Хлыстовка велень трудиятне од заемонть нолдамонзо вастызь покш мельсэ. Весемезэ заемонть сермадсты 3300 целковой лангс.

Комсомолецсь Чекушкин ялгася сермадсты 50 целковойс.

И. Грошев.

## Школась учи тонавтнициятнэнь

Саранск ошонь музыкально-драматической училищася (директорсь Яковлев) тонавтнама од иентень анок. Весе анокстамось прядозь шканть коряс 15 чиде икеле.

Школань зданиясь витнезь, стенатне, потолоктнэ, кияксось красязь. Вальматне весе путневтезь. Анокт общежитиятнеяк. Школась учи тонавтнициятнэнь.

—ooo—

## Футбол

### Москов—Саранск

Августонь 15-це чистэ Саранск ошонь стадионсо ульнесь Московонь ды Сарансконь сборной командатнэнь ютксо футболсо налксемань омбоце матч (васенцедесть сермадозь „Ленинэнь киявань“ ютась номерэньтэ).

Налксемась мольсь кавто част. Прядовсь 2:0 счет марто московонь команданть лезэс.

В. Б.

Шкань ответ. редакторось— Д. АДУШКИН.